



Broj/ Број : 02/2-50-1-13-48-6/06  
Sarajevo/ Сарајево : 13. 4. 2006.

## **Z A P I S N I K**

### **48. sjednice Komisije za vanjsku i trgovinsku politiku Doma naroda Parlamentarne skupštine BiH održane 13. 4. 2006.**

Četrdesetosmu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Vinko Radovanović, Velimir Jukić, Osman Brka, Anto Spajić i Ruža Stojanović, kao i Nevenka Savić, sekretar Komisije.

Sjednici je u svojstvu predstavnika predlagača prisustvovao g. Radomir Bogdanović iz Ministarstva vanjskih poslova.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio Dnevni red naznačen u pozivu za sjednicu. Član Komisije Vinko Radovanović predložio je da se na Dnevni red kao druga tačka uvrsti "Davanje saglasnosti za ratifikaciju Ugovora o zajmu između Bosne i Hercegovine i Evropske investicione banke – Nacionalni putevi: Banja Luka – Gradiška". G. Radovanović je obrazložio prijedlog činjenicom da je ovaj Ugovor usvojen na Predstvaničkom domu, te da su se stekli uvjeti da bude razmatran na Komisiji.

G. Čengić je predložio da se ovaj Ugovor razmatra zajedno sa Izvještajem o aktivnostima na Projektu "Autoput na koridoru 5c", jer je problematika blisko vezana, pa da se oba materijala razmatraju na narednoj sjednici Komisije.

G. Brka je predložio da se Ugovor razmatra na narednoj sjednici zajedno sa Izvještajem o aktivnostima na Projektu "Autoput na koridoru 5c" i uz prisustvo predstavnika predlagača.

Nakon diskusije o Dnevnom redu, predsjedavajući g. Čengić, stavio je na glasanje prijedlog g. Radovanovića. Prijedlog je usvojen većinom glasova (4 glasa „za“, 1 glas „protiv“, 1 glas „suzdržan“). Dakle, usvojen je sljedeći:

## **D O P U N J E N I D N E V N I R E D**

1. Usvajanje zapisnika sa 46. i 47. sjednice Komisije;

2. Davanje saglasnosti za ratifikaciju Ugovora o zajmu između Bosne i Hercegovine i Evropske investicione banke – Nacionalni putevi: Banja Luka – Gradiška - predlagač Predsjedništvo BiH;
3. Davanje saglasnosti za ratifikaciju Ugovora Bosne i Hercegovine i Republike Makedonije o pravnoj pomoći u građanskim i krivičnim stvarima – predlagač Predsjedništvo BiH;
4. Davanje saglasnosti za ratifikaciju Ugovora o zajmu - Regionalni projekat željeznica između Bosne i Hercegovine i Evropske banke za obnovu i razvoj – predlagač Predsjedništvo BiH;
5. Davanje saglasnosti za ratifikaciju Memoranduma o sporazumu između Vijeća ministara BiH i Vlade Republike Slovenije o proširenju donirane pomoći Bosni i Hercegovini u 2001. godini – predlagač Predsjedništvo BiH;
6. Davanje saglasnosti za ratifikaciju Protokola 14. uz Konvenciju o zaštiti ljudskih prava i osnovnih sloboda, koji se odnose na dopunu sistema za kontrolu Konvencije – predlagač Predsjedništvo BiH;
7. Tekuća pitanja.

#### **Ad 1. Usvajanje zapisnika sa 46. i 47. sjednice Komisije**

Zapisnik sa 46. sjednice Komisije jednoglasno je usvojen.

Zapisnik sa 47. sjednice Komisije jednoglasno je usvojen.

#### **Ad 2. Davanje saglasnosti za ratifikaciju Ugovora o zajmu između Bosne i Hercegovine i Evropske investicione banke – Nacionalni putevi: Banja Luka – Gradiška - predlagač Predsjedništvo BiH;**

G. Bogdanović je objasnio da je Ministarstvo vanjskih poslova nosilac posla ratifikacije, i da on može potvrditi da je postupak sproveden u skladu sa zakonskom procedurom, a u odredbe Ugovora ne može ulaziti. G. Brka je rekao da se ne može izjasniti o Ugovoru, nije se pripremio s obzirom da Ugovor nije bio na Dnevnom redu sjednice i glasaće protiv. G. Radovanović je istakao da je ovo tipski ugovor kakvih je već bilo na Komisiji i da nema ništa sporno oko njega. G. Jukić je rekao da se nije spremio za raspravu, ali da treba postupiti principijelno, tj. staviti ga na dnevni red jer su se za to stekli uvjeti njegovim usvajanjem od strane Vijeća ministara BiH i Predstavničkog doma. G. Spajić je podcrtao da je mnogo ugovora do sada usvojeno za koje nije bilo predstavnika predlagača, i zatražio da mu neko objasni povezanost ovog projekta sa autoputem na koridoru Vc.

G. Čengić je rekao da ovu sjednicu smatra na neki način vanrednom, jer je Kolegij zatražio da se predložene tačke stave na Dnevni red kako bi bile razmatrane na sjednici Doma naroda. Njegova je namjera bila da se zakaže sjednica na kojoj će se naći svi materijali koji trebaju da se razmatraju u komisijskoj fazi, pa i ovaj Ugovor i Izvještaj o aktivnostima na Projektu "Autoput na koridoru 5c". Nadalje, on smatra gradnju puteva prioritetom, izražava zadovoljstvo u tom smislu potpisivanjem ovog Ugovora, tekst Ugovora je uobičajen, a jedina primjedba je nepostavljanje prioriteta na nivou države i različiti aršini za pojedine projekte. G. Čengić takođe ističe da se nije donio strateški stav u vezi sa rješavanjem imovinsko-pravnih odnosa na trasama. Smatra da je odgovornost na ministru prometa i komunikacija.

G-đa Stojanović poziva članove Komisije da ne gledaju lokalno, da će svaki ovakav projekat – javni radovi, doprinijeti razvoju države, dio sredstava izdvaja Vlada RS, izgradnja putne infrastrukture je prioritet zemlje, i, po njenom mišljenju, ne bi se smjelo dozvoliti da se sve presijeca na ovom Ugovoru.

G. Radovanović je izrazio zadovoljstvo što su svi saglasni da je ovo uobičajen ugovor, slaže se da neke stvari treba riješiti principijelno na nivou BiH, ali da se ne može lomiti na ovom Ugovoru.

Nakon toga, članovi Komisije su većinom glasova (5 glasova za, 1 glas protiv) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

### **Ad 3. Davanje saglasnosti za ratifikaciju Ugovora Bosne i Hercegovine i Republike Makedonije o pravnoj pomoći u građanskim i krivičnim stvarima – predlagač Predsjedništvo BiH**

G. Bogdanović je u svojstvu predstavnika predlagača govorio o Ugovoru i njegovim odredbama. G. Čengić smatra da je Ugovor dobar i potreban, pruža različite olakšice građanima.

Članovi Komisije jednoglasno su zaključili da se uputi dopis Vijeću ministara BiH kojim će se zatražiti da nadležna ministarstva ubrzaju proceduru potpisivanja bilateralnih ugovora sa drugim zemljama po prioritetu komunikacija i u skladu sa interesima naših građana.

### **Ad 4. Davanje saglasnosti za ratifikaciju Ugovora o zajmu - Regionalni projekat željeznica između Bosne i Hercegovine i Evropske banke za obnovu i razvoj – predlagač Predsjedništvo BiH**

Članovi Komisije su konstatali da bi bi pored predstavnika Ministarstva vanjskih poslova kao predlagača, trebao biti i neko iz resornog ministarstva. O odredbama Ugovora: iznosu zajma, načinu povlačenja sredstava i njihovoj podjeli po entitetima govorio je g. Čengić. G. Jukić je predložio da se odorganizira tematska sjednica koja će se baviti problemima poslovanja željeznica u BiH. U tom smislu od nadležnih institucija zatražiće se informacije i izvještaji koje će poslužiti u svrhu pripreme sjednice. Članovi Komisije jednoglasno su podržali ovaj prijedlog.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Komisija je usvojila Zaključak da predloži Domu naroda da zatraži od nadležnih institucija Bosne i Hercegovine da se ustroji Ured depozitara međunarodnih ugovora pri Ministarstvu vanjskih poslova BiH.

### **Ad 5. Davanje saglasnosti za ratifikaciju Memoranduma o sporazumu između Vijeća ministara BiH i Vlade Republike Slovenije o proširenju donirane pomoći Bosni i Hercegovini u 2001. godini – predlagač Predsjedništvo BiH**

O Memorandumu je govorio predstavnik predlagača g. Bogdanović. Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Memoranduma.

**Ad 6. Davanje saglasnosti za ratifikaciju Protokola 14. uz Konvenciju o zaštiti ljudskih prava i osnovnih sloboda, koji se odnose na dopunu sistema za kontrolu Konvencije – predlagač Predsjedništvo BiH**

O Protokolu je govorio predstavnik predlagača g. Bogdanović.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Protokola.

**Ad 7. Tekuća pitanja.**

Rasprava nije vođena.

Predsjedavajući Komisije  
Hasan Čengić